

獨山縣志文徵志卷一目錄

諭都勻府教

明孝宗

吏治民瘼疏

鄒元標

霞客遊記一

徐宏祖

霞客遊記二

徐宏祖

崇蔭祠碑記

扶綱

創修獨山州志序

扶綱

創修獨山州志序

王希曾

羊場稅疏

曹中吉

免場稅議

潘超先

獨山縣志

文徵志卷一目錄

趙公祠碑記

周起渭

重修獨山州舊志叙

李纘宗

續修獨山州志序

莫舜鼎

獨山縣志文徵志卷一

諭都勻府救

明孝宗

朕惟都勻遠在貴州東南因無流官撫治往往自相殺奪不得安身而又時出劫掠為地方害近因貴州鎮巡等官奏請特敕大帥征之既已克平各官奏如永樂年間事例開設府暨州縣銓除流官撫治之以警其後今從其請設立都勻一府而以新開獨山麻二州清平一縣並舊設都勻邛水平州平浪四長官司屬其管轄僉舉爾文獻熟知民事諳曉彝情堪任知府故特陞爾往知府事賜以璽書蓋重其任也夫

獨山縣志

文徵志卷一

一

新府之設與舊郡不同外彝之治與內地殊異非徒賴汝撫安而實資爾控制爾須深體朕委任之意稽考制度創造衙門宣布條章立為一定規模使後人有所遵守凡府中一應該行之事當備之物合用之人一一悉如內地若力有不及則度以待時勢有未可則留以待後順其土俗之宜施以安利之政歸附者安之使得其所流移者招之使復其業仍須時常戒勉所屬土官頭目人等諭以大義開其善端俾其遵守法度謹守地界辦納糧馬不致臨用有缺撫恤彝民不許非法雲害如有多聚妄賧以庶奪嫡爭釁

官職及窩隱賊人為盜分贓者具奏問革改設流官  
凡係夷情務要與都勻衛指揮協合議行遇有漏殄  
殘賊或生苗竊發即使起調官軍土兵剿捕以靖地  
方不許執拘悞事其公差官員人至府但有違法生  
事爾即具實奏聞所屬土流官吏軍民人等敢有倚  
勢刁潑違法傲慢者爾須嚴加禁革輕則會官問擬  
如律照例發落重則奏聞區處爾尤宜廉公仁恕奉  
法循理體朝廷一視同仁之心以夷治夷使之日染  
月化而皆囿於華夏禮法之中庶侮委任爾其欽承  
毋怠毋忽

貴州通志

### 獨山縣志

文徵志卷一

史治民瘼疏

鄒元標

兩廣雲貴吏茲土者悉謂之遠兩廣滇南文物埒中  
土俸餼稍厚以故人多樂居之惟是貴州僻在亥步  
窮處黃茅嵐氣猿猴為伍士人聞命有投牒不往者  
有既赴鬱鬱死者臣請備言其艱幸之狀臣往見都  
勻一驛丞南京人也縣鶉百結乞食道死又有麻哈  
等州街齋荒無舉日淒涼而獨山知州吳譽聞者文  
學吏事亦自名家夜篝燈同女子守孤印皆含冤被  
論去視諸臣餘可知矣臣每撫膺太息曰聖天子明  
見萬里外忍使諸臣困至此極耶芳逸不均北門大

夫不免興歎今之情豈異古邪臣愚謂司鈐者宜劑量其間除方面知府知州知縣外如各衛經歷吏目等官或陞或遷缺出宜以四川湖廣雲南三省人補之蓋三省風氣接壤視他省稍習如或居官稱職其陞遷視他省量速一年庶幾雨露無不被之澤遠臣無向隅之泣報禮有不重者未之信也又雲貴二省原無驛夫以軍為夫道里長遠山勢險峻每夫一名幫貼數名始得成役晝不得力耕夜不得安枕月支米不過數斗亦良慘矣國初屯戍額五千名今清平衛不過二三百人昔何以充今何以耗此其故不難

獨山縣志

文徵志卷一

三

知矣臣愚謂宜敕該部乘此清時一洗民間清勾夙弊至雲貴以軍代夫合無行彼處撫按官乘此清閒悉心議處以杜後患每月量加月米以恤其苦此乘

貴州通志

崇禎戊寅三月

初十日 晨飯香山寺別慧菴西取南丹道去二十里有(中)山峙兩界石山間曰獨山尖峭孤聳亦獨秀流亞又西北十里泉一泓止石窩中色澄碧西一巖北向前大石屏峙門洞深五丈後壁皆若蓮花葉蕊層級二里為大洞堡大洞在南山背堡後南入峽尚三四里始至洞 一曰天門洞云自堡北望之南峯迴環如缺入至堡後又顧嶺連嶺自裂可披隙遊也過堡十里江流自南而北江濶半度遠乃懷遠鎮南江

獨山縣志

文徵志卷一

也江自荔波縣來至河池州東境為金城江又南合思恩縣東江南抵永順司北境入山穴中暗伏屈曲數里東出於泰順里又東北過此遂北與北江合為龍江馬渡江西岸即為懷遠鎮鎮北有北江自思恩縣總州來舟溯南江至懷遠止北江通小舟可四日直達總州

十一日 西北四十五里抵得勝鎮

十二日 由鎮北抵北山下半里過觀音菴菴左一

洞南向倚山椒高五丈後有巨柱中屏穿束東西隙俱

可入乃束炬從東隙北進數丈洞遂高拓多擎天柱

諸詭勝東折數丈北面光燭燭自上倒影以為從此出洞也及東去尚有道更張炬覓之又五丈止仍北出望明光趨之則懸石曉岨光上透如衆月並升余將攀石登企忽平峽繞其左而轉遂透出一北向門又在前所望通明下也出洞攀叢崖南躋石筍攢沓正過通明上穴南向凌山頂登玉皇閣稍憩下山折磴石崖間凡數曲下出過前洞南去德勝又半里為韋家山從山西麓攀級登崖懸峽轉樹倒垂其上類若乘空上有別柯從巖門橫架巨樹抄合為一橫架處枝體穿漏利空穴竅工奪雕鏤巖門在上下削崖

獨山縣志

文徵志卷一

四

間門西向前對掛抄就隘為門門旁即瓶音湖間左右皆可入洞不十丈輒止大約以凭虛勝無中通奇竇也北返德勝鎮西二里歧而南渡一小溪平原中亂石叢簇分裂不一中潄水一泓澄無片草石頂各跨樹盤絡如香山寺石片更稠合間以潭渚尤奇潭西一石峽下與潭通南一石獨高巨僧結茅於上曰蓮花卷門就石隙東西北俱小流環之地較香山幽麗特絕仍北出大道又一里入河池所

十四日 為北山遊出所城北門行平壑不半里亂

石秀立路隅為門為棟為屏為梁為芝為笋奇異特

出倍巧於蓮花菴香山寺者又北向陟山危磴倚雲崖曲折上一里抵菴菴之西凌削崖去上下皆絕壁菴無他奇惟臨深凭遠升眺清曠耳下山至所城東北入壽山寺亂石一區水縱橫匯其中石巖構廬三四處高下散布西度橋過側石一隊亦南北列上下有六如門穿而西一菴北向前匯為塘石所擁成者菴後聳石獨高總久之返所城

十五日 西南二十三里宿於馬草塘北邨

十六日 西南五里一江自北而南深總危崖間所謂東江也西渡江江濶數丈深不測再南下數里即

### 獨山縣志

文徵志卷一

六

與金城江合入石穴中云西十五里又一江自北而南濶十丈深與東江並乃自荔波來者是為金城渡波北兩岸有水懸崖平瀉三丈聲轟如雷東注大江則官邨南來水也渡江西十四里宿鬼巖邨

十七日 西北三十三里抵河池州

十八日 西十六里為南丹境又三十里宿巖田邨

十九日 西十里水自東北注西南深不及膝濶五

丈是為大江源發西北山中南流東轉至永順界合

東江下流者也渡江又十里至金邨其地西往錫坑

止十五里西北去南丹州五十里

二十日 西北三里塢底小水自南而北大道南隨之錫坑道也從之北二里遂轉為東西塢大溪自西來即南出為大江者於是西溯大溪二十五里為大徐邨又溯流四里抵西山下北轉一里涉水上西山望北塢山環壑盡瀑流從山腋乘空下高及千尺粵西皆石山林立故懸水最艱今於僻壤得覩此亦汗漫中一奇觀也西上一里瞻顧不能釋又十三里稅駕南丹州逆旅

南丹西三日程抵巴鶴西即泗城界銀錫二廠在南丹東南四十里其廠有三曰新州屬南丹曰高峯屬

獨山縣志

文徵志卷一

七

河池州曰中坑屬那地州三地相間僅一二里由麻南兩日程至崖洞有大江自西而東為那地東梢二州界其渡處名河水渡即都泥江也上流來至泗城界下流東歷永順土司北五里下石堰為羅木渡

二十四日 候夫南丹昔數日始行西北四里石峯後出朔峽西入三里一石中立山峽高銳珠絕兩旁

危嶂隘夾益覺崢嶸又三里西出尖山閑數家倚北

峯下峻削崖如屏前接新篁密箐路行風竹中思北

山麓石崖飛架小水西來直漱崖足北入石洞中洞

南向在架石束危崖下又西北二十里止嶺北邨



二十五日 北竟邗峒四里有洞在西小山坑中門  
東南向外甚敞中壁屏立又關內門沉沉不可測路  
由東山上馮鳩竹對望之藤蘿掩蔽中有水潺潺出  
洞門成澗南流去又西北二十七里抵飄渺邗

二十六日 西六里北轉山開東西兩界東界山自  
東突西凡五六峯四面悉平剖下墜排列而北若五  
老西向澗由中北向去北六里東界突山既盡塢大  
開東望一尖峯迴立中空如合掌懸架衆峯間空明  
下透合處僅湊徒杠千尺白雲正東映危峯脇可借  
名香爐瀑雪不復辨為山為雲也自桂林來所見穿

獨山縣志

文徵志卷一

八

山甚衆雖高下各奮若此刻空出雲者得未曾有又  
北十二里抵銀邗

二十七日 北五里為坨邗乃丹州極北峭由此  
西去兩日程曰羅猴為泗城東北境都泥上流所經  
也坨邗北五里至山界與貴州下司分界處粵西兩  
北境止此余粵西遊亦止此

霞客遊記二

(明江陰徐宏祖霞客著)

戊三月二十七日自南丹北鄙岷歹村易騎入重山

中漸履無人之境五里逾山界嶺南丹下又北一里

逾石隘是為艱坪嶺其石極嵯峨其樹極紫密其路

極崎嶇黔粵之界以此而分南北之水亦由此而別

然其水亦俱下都泥則石隘之脊乃自東而西度盡

於巴喬之境而多靈大脊猶在其東也北下一里就

峽西行一里始有田廛又半里峽轉北塢始大開又

北一里有村在西塢中曰由彝北中諸塢四面皆高

獨山縣志

文徵志卷一

九

不知水從何出然由彝村南石壁下首洞東向細流

自畦中淙淙入遠山西而去固知大脊猶在東也至

北南丹差騎辭去由彝人始許夫騎久乃不至促久

之止以二夫負擔去余獨坐其棚從午至暮始得騎

西北二里至山寨則寨人已送擔亦前去乃由其東

上嶺越脊北下一里行壑中又北一里再越嶺脊下

行峽中壑圓而峽長南北向皆有脊中互無洩水之

際而北互之脊石齒如鋸橫峯豎錐莫可投足時已

昏暮躍馬而下此騎真堪託死生也越脊直墜峽底

逾所上數倍始知前之圓壑長峽猶在半山也峽底

有流從南脊下溢遂滴滴成流隨之西向行共里許  
有村在南山麓擔夫已換去又騎而西半里擔夫又  
已去蓋村人恐余止其家故亟換之行而又無騎換  
騎夫不肯前余強之暫行西北半里有溪自東而西  
橫堰其中左右淵深由堰上北度馬蹄得得險甚又  
西轉過一村半里由村西而北向道嶺始與雙擔同  
行暗中呼聲相屬不辨其為石為影也共二上二下  
遂行田塍間共五里過一寨排門入居人頗盛半里  
復排一門出又行田塍中一里半叩門入舊司門以  
內茅舍俱閉莫為啟久之守一啟戶者無茅無飯而

獨山縣志

文徵志卷一

十

外

上下二司者即豐寧司也瀕南界者分為下司與南  
丹接壤二司皆楊姓兄弟也而不相睦今上司為楊  
祐袖強而有制道路間治盜賊屏息下司為楊國賢  
地亂不能轄民皆掠掠三里之內靡非賊窟其東有  
七榜之地地寬而渥鴛鴦尤甚其叔楊雲道聚眾其  
中為亂首人莫敢入

舊司者下司昔日司治也為上司所破國賢移居寨  
上寨在南山麓與舊司南北相對中隔一塢然亦無  
奇險也

二十八日平明起雨霏霏下余令隨夫以鹽易米而  
炊余以剝索夫於南寨國賢避不出託言與上司不  
合不敢發夫止許護送者兩三人送出境余飯而侍  
之送者亦不至乃顧夫分肩行李從舊司北向逾嶺  
行共三里餘下至餓鬼橋有小水自東北注西南小  
石梁跨其上禦人者每每橫行於此又北二里逾嶺  
已為上司界下嶺二里有村在西塢而路東有楓木  
樹對之又東北逾嶺二里有村在東塢其前環山為  
壑中窪為田村倚東峯有石崖當村後路循西嶺與  
村隔壑相向始散對之息肩又西北逾嶺二里轉而  
獨山縣志

文徵志卷一

七

西向行於是峽大開南北相向南山下村居甚稠北  
山則大路倚之西行五里路後西北逾嶺蓋此地大  
山在東北路俱緣其西南上雖有升降然俱上多下  
少逶迤以升者也又西北二里逾嶺路北有峯迴互  
層疊儼若天盤龍髻崖半有洞門西向數十家倚之  
路乃北轉又一里越其西岡北向下西岡者大山分  
支西突為盤髻峯其下橫岡西度者也西岡去北山  
又東西排闥北望西界山一圓石高插峯頭轟然倚  
天之柱其北石崖迴沓即上司治所託也東界土山  
即路所循而行者其北五里路與西界轟柱對又北

二里忽山雨大至擔夫停擔各章笠蔽雨余持傘亦蔽一挑忽有四人持鏢負弩懸劍橐矢自後奔突而至兩人趨余傘下一人趨顧僕傘下一人趨擔夫笠下皆勇壯兇猛似避雨又似夾持余甚恐問余何往余對以都勻問余求煙余對以不用久之雨不止而勢少殺余曰可行矣其人亦曰可去余以為將同往而前者乃余行而彼復止余益知其必非良人然入其吻而不下咽其心猶良也更北半里轉而西又一里餘有營當兩界夾中阜上壁壘新整由其下又西一里入上司南門有土垣環繞門內即宿鋪

江西人自下司

### 獨山縣志

#### 文徵志卷一

五

至此居舍中各半土半石時雨過街濕余采濕履遂由街北轉而西有巨壑匯其內西築堤為堰堦為馳道甚整又北半里直抵固山東麓北向入一門有石罅一縷在東麓下當其盡處鑿孔如盂深尺許可貯水一斗固上下人俱以盂候而酌之謂其水甘冽迥異他水余酌而嘗之果不虛也由此循固麓轉入北峽峽中居人甚多皆頭目之為心贅寄者又編竹架固於峽中分行貯粟焉由北峽西向行已入固後有脊自西北連屬於固乃固之結蒂處也脊束峽中有洞倚固麓其門北向甚隘而深有二人將上固余問此洞深否云

其洞不深上至固半有大洞頗深而有水瀆以炬入  
由下仰眺固上居舍纍纍惟司官所居三四層皆以  
瓦覆以望飾因險而居整反出南丹上也余乃隨其  
人拾級上固其級甚峻而甃鑿開整瑣蹶而上共半  
里折而東有樓三楹跨路間乃固半之隘關也洞在  
中楹之前前為樓所蔽不可見有男婦各一炊中楹  
下二人指余入登固去余索炬於炊者則楹後即指  
欄馬棧踐之下洞洞門北向窪墜而上下皆汚土上  
多滴瀝不堪駐足乃復出而下先是令一夫隨行至  
脊下不敢登余乃獨上然固上之形可以外瞭而見

獨山縣志

文徵志卷一

三

惟此洞為樓掩非身至不知也仍由舊路里餘返宿  
舍則已薄暮矣炊飯亦熟遂食而卧

上司土官楊袖由長官而加副總以水西之役也其

地小而與南丹為仇互相襲殺故兩土官各退居固

上南丹州治在固下而居於上上司則司治俱在上而環固而居者皆其類也南丹第三

弟走荔波為莫役所執第四弟走上司至今為外難

日端端焉其固圓而大四面絕壁惟西北有脊通級

而上路必環旋於下峽故為天險峽中水西南下合

塘中及外峽東北諸流俱透西南版中墜去

二十九日由上司出南門仍渡門東小水溯之東北

行一里躡上山而上四里逾土山西度之脊其西石  
峯突兀至此北盡逾脊西北行一里半嶺頭石脊復  
夾成隘門兩旁石骨嶙峋由隘西出轉而東北下半  
里下抵塢中又北一里復越土山西下脊是為上司  
獨山州界於是下嶺循東山行又二里有村在西山  
塢中為直查村其處東西兩界皆土山中開大塢有  
水自北來界於塢中遠直查之東乃西向破峽去循  
東界山溯水北向行又三里水分二支來一自西北  
一自東北如了字會於中支山盡處西北者較大路  
溯東北行一里半始渡之於中支山東麓得諱子窰

獨山縣志

文徵志卷一

七

村乃土官蒙氏之族也村北溪中皆碎石時涸時溢  
又東渡之東北上岡頭共里許有土環遺址名曰岡  
上而無居舍又東北一里水盡塢窮於是躡嶺其嶺  
甚峻三里北逾其脊隘中底石如鋪兩旁有坑立峰  
是名雞公岡其脈自獨山州西北繞州治東南過此  
又東南度六寨之東而下墜土峯者也脊西南水下  
直查而入都泥脊東北水由合江州下荔波而入龍  
江從脊東北眺則崇山蜿蜒列屏於前與此山遙對  
成兩界中夾大塢自西北向東南焉下山即轉北行  
一里抵塢轉東即有小水東南下又東一里逾陟岡

阜忽有溪自西北注東南水於此復出為龍江上洙  
矣渡溪東上於是升涉波隴東北行塢中五里有數  
家之村在東北山下從其前後轉入西峽北一里過  
一脊始北向下嶺其下甚深半里抵其麓始知前所  
行俱在山上也又北行塢中一里半有大溪注然自  
西峽層山中出東注而去亦由合江州而下為波思  
恩者厯石壑而渡其北又緣西界支隴北行五里為  
羊角寨乃李氏之砦又北三里有小水自西坡東注  
涉之又北二里入獨山州之南隘門其州無城一土  
知州土家蒙姓所屬皆焉人即苗明官多缺以經歷

獨山縣志

文徵志卷一

三

署篆所屬皆客戶余所王者江西南昌人黃南溪也  
其人忠厚長者家有棧可接蓋是州雖無城而夾街  
棧房連屬俱用瓦蓋無後茅棚牛圈之陋矣獨山土  
官昔為蒙詔四年前觀燈為其子所裁母趨救亦裁  
之乃託言殺一頭目誤傷其父竟無問者今現為土  
官可恨也

三十日平明飯出獨山州北隘門西北向循西界山  
行六里有小水亦自西坡東注涉之又北二里北塢  
漸窮山脊自東界西度南轉乃路轉東北澗中小水  
北流渡澗循東界山腋間東北上又二里有水溢路



旁石穴間甚別

其間有紫氏修路碑

從此攀石磴東北上嶺而

大至一里半北登嶺隘是嶺由東南度西北乃祖山

從其東北分裂衆支其直東而去者為黎平平崖之

脊東南分支而下者為荔波羅城之派西北分支而

下者度此稍北即西轉南走而轉於獨山之西度難

公嶺而南為蠻王多靈之派

獨山州南二十里有山尖起立於衆山之中是

名獨山州之

所以得名也

又東北行山峽間乃下共二里有澗自

東谷走深崖中兩崖石壁甚逼澗嵌其間甚深架石

梁其上為深河橋過橋復躋崖而上登嶺而北有小

水自東瀉北瀉石崖而下涉之復升嶺共一里遂由峽

## 獨山縣志

### 文徵志卷一

一

中北行又二里乃下東北行壑中有村在東山下由

其前稍轉西北共二里有溪自東北東渡之溯其西

岸東北逾嶺六里一水自東北來一水自西北來東

北者較大於是涉西北水緣中支山而上東北三里

而登其岡飯於岡上乃稍下又北逾嶺而下夾塢中

共三里又上有溪自南峽北向下墜深潭中潭小而高

此西北小溪之源也又北逾嶺下一里半下度深壑

中有澗自西南峽中來至此東向西轉此東北小溪

之源也涉之西南登嶺半里而上循嶺半西南行二

里過兔場西出嘉坑閣隨小水西下由夾中行五里

兩夾山多石崖突兀路側有泉湧穴出又西二里水  
墜南峽去路適北坳上有寨在東岡之顛由其西北  
度脊南北俱有窪中墜環塍為田直抵其底水皆自  
底西向透石穴者也又西逾嶺一里出隘口其上石  
骨稜峭皆作虛雲裂萼之勢又西北下峽中一里轉  
而西北半里西出峽是為獨山州與吳家司分界吳家司即都勻長官司原本誤吳作胡今正於曼山開南北洋中有大溪  
自北而南是為橫梁循溪東轉南半里抵南崖崖下  
有賣粉為餉者以鹽少許易而滄之隨溪南岸西行  
道路開整不復以蜀道為苦溪北有崇廟在高樹間

獨山縣志

文徵志卷一

人家田隴屢屢從斷岸而出共六里過焉裏村又西  
一里其水南曲乃西渡之從溪兩岸南行半里為卯  
母村由村前西轉焉復東西開而其村重巖岡阜瓦  
舍高聳想亦吳家司之族目也西二里其水北曲復  
西渡之又西北一里其水西曲又北渡之從北岸懸  
崖西行一里半有水自西來會乃麥沖河也即潮河  
西行二里入麥沖堡南隘門而宿是晚雷雨大作微  
夜不止

四月初一日平明起雨漸止飯間聞其西有桃源洞  
相去五里須乘炬深入中多幡蓋纓絡之物寬主人

導之不得曰第往關上可西往也遂北向出隘門溯  
溪東岸行忽石壁湧起岸東勢極危削溪瀨之南路  
溯之北咫尺間上倚穹崖下循迅派神骨俱竦三里  
轉入東塢其北有小峯立路隅當麥冲河南下之衝  
有峯北向曰觀音洞又北半里曰麥冲關關所謂枕  
源洞者正在其直西大峯之半相望不出四里外關  
之東有真武閣南向正與觀音洞門對乃停行李於  
閣中覓火炬於僧將往探之途遇一老者曰此洞相  
去不遠但溪水方漲湍急不可渡雖有導者不能為  
力而况漫試乎奈乃廢然而返取行李西南越而下

獨山縣志

文徵志卷一

又

抵河東岸溯之北共一里有溪自西北山腋來路從  
東北山腋上遂與麥冲河別當坡路潦迹間有泉汎  
汎從下溢起孔大如指以指探之皆沙土隨指而涸  
指去而復溢成孔乃氣機所動而水隨之非有定穴  
也一里轉上復峽遂向東入又一里峽更東去路復  
從北峽上其處石峯嶙峋度脊甚隘越隘北下塢中  
被壟盈塢小麥青青蕎麥熟粉花翠浪從此遂不作  
粵西蕪態粵西獨脊東西亂水交流猶俱下麥冲者  
又東一里轉而北有塢南北開洋其底甚平犁而為

田此處已用牛耕不若六波耕水耨盈盈其間水皆

寡以南之用柴提矣

從峯坡瀉下而不見有澹澹之跡一里有村頗盛倚  
西峯下曰普林堡又北一里逾嶺而上石峯復度峽  
而下轉而東平行石嶺間一里東下盤窩中有小石  
峯圓如阜盤托而出路從之經窩東入峽一里復北  
向升嶺一里遂逾土脊之上此脊當為老龍之幹西  
自大小平伐來東過谷濛包陽之間又東過此東南  
抵獨山州北又東為黎平平崖之脊而東抵興安南  
轉分水龍三廟者也越脊北下峽壁甚隘一里下行  
峽中有水透西南峽東入北隨峽下渡之傍澗西涯  
行有歧路溯水西南峽則包陽道通平浪平洲六洞

獨山縣志

文徵志卷一

一

者也隨水東北行峽中又三里轉而東其峽漸開有  
村在南山間曰下石堡又北二里過一巨石橋澗從  
橋下西北墜深峽中而去路別之東北逾嶺北降二  
重又二里越嶺下則東南山塢大開大溪自西北破  
峽湯湯東去是曰大馬尾河以暴漲難渡由溪南循  
山崖東行溪流直搗崖足一里東抵堡前觀諸渡者  
水湧平胸不勝望洋之恐坐久之乃解衣泅水而渡  
從北岸東向行水從東南峽去別之乃東北逾嶺而  
下共三里東渡小馬尾河復東北升嶺一里半越嶺  
脊東下一里半出山峽山乃大開成南北塢東西兩

界列山環之大河湯湯流其間自北而南溯溪西岸  
循西界山北行一里路旁即有水自西岐東向入溪  
涉之又北二里有石梁跨一西來溪上渡之從梁端  
循峽西入是為吳家司原作胡家  
今正即都勻長官司也  
以名同本郡故列以姓稱又北一里有村在西山崖  
上曰王家司原本作黃家司乃其副也又北行田塍間五里  
度西橋又北半里入小西門是為都勻郡城宿逆旅  
主人為沈姓亦江西人

初二日晨起作書投都勻府尊張勉行  
州人乃散步東  
入郡堂堂乃西向蟒山者又東上東山麓謁聖廟見

獨山縣志

文徵志卷一

十一

有讀書廡東者問南舉鄒總憲成勻時遺迹曰有書  
院在東門內問郡志其友歸取以示甚畧而不詳即  
大小馬尾之水不書其發源並不書其所注其他可  
知載郡八景俱八寸三分幅子非此地確然特出之  
奇也此地西門大溪上有新架石梁壘石為九門甚  
整橫跨洪流乃不取此何邪耶

都勻郡城東倚東山西瞰大溪有高岡自東山西盤  
而下臨溪墜溪自北來西轉而環其東城圓且岡上  
南北各一門西有大小二門東門偏於山之南城後  
環東山之顛其上有樓可以舒眺

郡西對蟒山為一郡最高之峯郡治文廟俱向之其南峰旁聳有梵宇在其上須拾級五里而上以飯後雨作不及登謂之蟒者以峯頭有石脊蜿蜒如巨蛇今志改為龍山

九龍洞在城東十里按一統志有都勻洞在都勻長官司東十里前門北向後門南向當即此洞今志稱為仙人洞二下注云一在城東一在城西殊覺憤憤水府廟在城北夢遇山大溪南下橫其前一小溪西自東山北麓奪直東來注下有白衣閣倚崖懸危壁上憑臨不測上有梵音洞西向為門洞無他致止云

獨山縣志

文徵志卷一

五

其中有石佛自土中出者為異耳

初三日下午自都勻起身廿里文德宿

初四日三十里麻哈州又十里乾溪宿

初五日十里麻哈大堡又十里乾壩哨又十五里平

越衛

獨陽刺史文初王公希曾以江右名儒奉簡命來守  
茲土三年政通人和效幾馴雉頌者凡五請告致政  
獨之人思非攀卧能留立祠祀公以誌公德屬余紀  
其事余思昔未過時遊獨陽與公雅相契因悉公狀  
公弱冠登鄉薦三上春官衡文者味曰色三厄一榜  
既而振鐸郡陵聲華藉甚旋以國學應內擢第介性  
恥事宦緣出守楚靖靖故名郡然自設學來青衿每  
難一第公鼎建學宮始相繼馳捷巡診流行三載歲  
儉公捐奉施粥數月活饑民以萬計爾時遼氛孔棘

獨山縣志

文徵志卷一

五

其中有石佛自土中出者為異耳

德

初三日下午自都勻起身廿里文德宿

初四日三十里麻哈州又十里乾溪宿

初五日十里麻哈大堡又十里乾壩哨又十五里平

越衛

獨陽刺史文初王公希曾以江右名儒奉簡命來守  
茲土三年政通人和效幾馴雉頌者凡五請告致政  
獨之人思非攀卧能留立祠祀公以誌公德屬余紀  
其事余思昔未遇時遊獨陽與公雅相契因悉公狀  
公弱冠登鄉薦三上春官衡文者味曰色三厄一榜  
既而振鐸郡陵聲華藉甚旋以國學應內擢第介性  
恥事宦緣出守楚靖靖故名郡然自設學來青衿每  
難一第公鼎遷學宮始相繼馳捷巡診流行三載歲  
儉公捐奉施粥數月活饑民以萬計瀆時遼氛孔棘

獨山縣志

文徵志卷一

七

需餉之微如兩督餉者不諒撫字心勞顧責以催科  
政拙至遷閩幕會部院特薦晉雲南令下車除衙蠹  
行合徵革耗羨代窮民完不輸之賦尤均平水利四  
境靡爭滇人士不忘公德德識未已立祠祀焉無何  
當事又以獨越在邊徼無城池首叛後民是用困調  
公獨陽壬子秋分校黟聞得士八人皆名士公之蒞  
獨除煩苛秉清淨有淮陽卧理之風創柵欄編甲  
甲得膠束備盜之法猶謂邊徼無城則民難守無學  
則民不知禮兩請於上建學建城兩臺是其議值公  
帑告匱又格土司兵燹致學城議有待而行而公為



民之力已殫矣濱行尤汲汲以志書為闕點典乃繪  
圖纂綴其概付梓成帙以俟後來即不能盡獨山而  
獨山已盡於此一片赤心可與獨山俱垂不朽也於  
是鳩工置田立祠於州志之官塘以祀公越數月事  
成爰命紀其畧於石

點詩  
紀畧

獨山縣志

文徵志卷一

創修獨山州志序

北網

吾勻轄有獨山其地僻其民瘼實把點之咽喉古稱要地天子遠照荒服知其不可無漢官以鎮爰設州治而田土戶口俱蒙氏所司州牧不過坐定山川疆域而已入其境而問城池問學校問風俗貢賦以及古蹟諸類渺焉無聞是官最苦而任最難其大畧業載府志中頃因州牧王大夫以曠曠章名士出宰茲土會當事旁採郡邑志書獨山亦邑也不宜無志大夫曾費幾許精神期為完志奈曠地固有傳聞志成而請序於余余按志體嚴而事核核詞約而義精不敢強

獨山縣志

文徵志卷一

古

為過飾可以傳矣意喜僅建一官遂名曰州余改於此為牧是州者壯焉志中凡古蹟諸類雖未燦乎畢備然以州牧攬遐陬之半壁無城池而城池於是乎在也州牧布聲教於四境無學校而學校於是乎在也定為男女冠婚喪祭之禮則風俗由大夫移易也播其踐土食毛忠君報國之義則貢賦由大夫激勸也况又不止此也其責於州牧之一身者不已備乎哉謂志州牧即志州也亦可獨陽之志始於王大夫而王大夫誠有定志者夫以一無所有之州治德威文盡咸使遠莫喻天子所以立州之意壯哉大夫當

其難而忘其苦將山川疆域若增而勝矣茲歸里行  
之日猶急成厥志與吾郡司理張公勤敏周異謹如  
其請僭書數語以告異日繼大夫而牧獨陽者次第  
舉之庶成全志云

獨山縣志

文徵志卷一

創修獨山州志序

王希曾

邑有志所以志一方事蹟俾後世於焉考信獨山為  
勻郡咽喉之地接居諸司間八面皆桑以接壤西粵  
而為都勻咽喉特建州治以控之余未守茲土瓜期  
已及之後奉點當路檄特前所未載版圖通郡邑各  
修厥志以進余於是命掌司及父老子弟輩緝舊聞  
或有謂獨山之設僻遠甚他邑欲志其兵農而無非  
行禽也欲志其錢穀而原屬土司也欲志其金湯而  
未立城池也何以修為曰朝廷虞獨之去天萬里簡  
官遠鎮環居之民訪有司示以務本衛上疇非我兵

獨山縣志

文徵志卷一

序

我農且官設而倡以忠勤警其逋負彼知貢賦為義  
所當盡雖錢穀不出於州而州實為錢穀所出也羣  
彝疊伺官能副帥師之任嚴化鎖鑰則保障即是城  
池也余非其人念及此凜凜焉惟不勝是懼所賴當  
路靖邊遠畧耳弁要荒一切措置如立社師以教俊  
秀用漢人以充左右董鄉約以醒愚懲督保兵以靖  
萑苻明禮讓以正風俗皆漢官威儀使民觀感而  
化是宜著新編不容緩也故集中裨益風教者錄之  
足鑒戒者紀之有者採無者不敢臆撰凡以求傳信  
而已後有稽往牒者庶幾於鑿烟瘴雨中常現一清

明景象是獨陽因志而不負余余乃得藉手以不負  
當路更有以上不負朝廷矣茲役也肇於兩臺司道  
而署府事司理張公以為要務催告厥成余適際其  
時亦於管見謬為增損以作一方信史云爾

獨山縣志

文徵志卷一

革場稅疏

曹中吉

題為場稅累民已極籲請題勉以除夙弊事該臣看得貴州一省舊設貴陽安順普安鎮遠四大稅又有永寧畢節烏撒鴨池四中稅皆載在經制可考者也後為逆占據橫徵苛斂遂設立各山場小稅名色深為民害我朝開黔之初錢糧需用繁多而未改窮鄉僻壤在在有稅歲額多者百餘兩少者十數兩不等皆於歲初臣衙門印發循環簿責令徵收足額按季報查但黔省羊腸鳥道舟車不通凡有貨賣皆肩挑背負為數無多一線大路已納稅數次及其今日

獨山縣志

文徵志卷一

七

赴此場則此場稅之明日赴彼場則彼場又稅之展轉交徵資本易竭勢以裹足不赴收稅之官慮正額不足或稱貸以完者有之或苛索以充者亦有之以致山僻民苗數年不能易衣終歲不得食鹽商民實為交病而稅額恐終至難足矣臣思各省商稅惟關津有徵至於城市集鎮惟取牙帖小稅未嘗徧徵高賈也獨黔省彈丸殘區沿途大稅不為不密矣而後徧及山場瑣徵負販於國體為不宜於民生為大困臣愚以為除四大稅四中稅再如稍接江干可通高賈如烏茶渡等六小稅及思南之鹽稅新疆平大黔

三稅俱應照舊征收外其餘各府之二十七小場雜稅按獨山場稅在內由藩憲瑞超應自本年為始一

概停止不得仍存稅場名色庶使民生臣非不知點

省錢糧仰給外省本處收括之數未可輕言裁減然

國家用財取之有道似此無藝之征去之惟恐不速

且計一年所入不過一千六百餘兩朝廷捐之僅同

涓滴而深山窮谷賤賈愚苗皆永戴皇仁於無窮所

捐甚小所得至大臣受恩深厚身任巖疆實見不便

於民之事不敢因循緘默貽誤地方既據該司呈詳

具造清冊前來除冊送部查核外臣謹會題伏祈睿

獨山縣志

文徵志卷一

三

鑒全覽勅部議覆施行記

記

為場稅累民已極籲請 題免以除夙弊事竊照點  
省地方素稱羊腸鳥道山多田少不通舟楫迥非內  
地可比當偽逆踞點之時賦役無制額外苛求遂設  
有場稅等項名色木司每於全省小稅不能無議焉  
今如一省之內既設有貴陽安順普安鎮遠四大稅  
永寧畢節烏撒鴨池四中稅思南銅仁之鹽稅又復  
設有小稅三十六處查小稅每場年收稅銀或百餘  
兩或三五十兩或有不及十數兩者通同大中各稅  
計算每年共納收額稅銀二萬兩有奇及奉我 朝

獨山縣志

文徵志卷一

三

開闢之初乃因驛站錢糧前出遂將前項稅銀具

題留充驛用此亦彼時權宜一時之計耳竊思各直  
省地方或設有過客稅或設有落地稅從未聞有沿  
鄉集場收稅之例何獨點省荒陬一隅濫如許之場  
稅乎况集場買賣不過本省苗民肩挑背負米糧雞  
鵝並小販零星布縷油鹽等類最少最微物件皆有  
納稅之苦如曰布縷油鹽應令納稅曾於經過大稅  
先已納稅矣小場不宜重納甚至今日販賣東場則  
東場有稅明日販賣西場則西場又有稅在司稅官  
役藉口稅額不敷多係零星搜括累商累民木司職



掌攸闕不敢減默除將四大稅四中稅與夫默屬接  
壤江干各渡口烏茶表家綿花三岔六廣盤江石阡  
之葛閃銅仁之省漢江口以及思銅鹽稅並新疆平  
大熬三稅不便議裁者年額稅銀一萬八千三百四  
十餘兩照舊抽收外議將貴陽府屬之老鴉關雞猪  
等十小場安順府屬之鮭龍雙堡等八小場平越府  
屬之楊老雜等五小場思南府屬之沿河思渠二小  
場都与府屬之都勻城外獨山二小場以上共計二  
十七小場稅年額稅銀一千六百餘兩合無餽懇憲  
仁俯准具 題除免稅名稅額庶幾民害除而 國

獨山縣志

文徵志卷一

五

體隆所闕匪渺小也

趙公祠碑記

周起渭

獨山州舊為苗藪負山阻險自昔土著明孝宗始設州牧以憲使纏馭之惟其獷悍難馴不奉教令故凡膺斯篆者恒傳令視之繫我皇清奄有四宇蒙寄所隸莫不恪供職貢由是漢民景附日多一日族類既殊反側時見官此者稍存顧慮鮮不即致受困州侯趙公閔中肆外質直剛方廉而不刻察而不苛兩子歲自武城遠來土人覘其恂謹撲訥以贄幣膏之顧不得間質厥成亦惟唯唯不大與剖決人皆以級長孺目之謂將靜卧理也州屬四土司惟蒙氏踞尾其

獨山縣志

文徵志卷一

三

昏囂播毒士庶自公未至之數年劫場市掠子女奪州屬四產以數千百計公居半年廉得其實喟然嘆曰方今天子仁風丕宣已極四表復特簡王大中丞開府牂柯控制要荒凡在版輿莫不率服夫何一介土酋尚敢蕩棄典章殘虐我百姓非擒治之不足以伸國法用是率丁壯往討蒙孽雖恃險抵牾不即受拘係越明年終遭誅戮地方所以失者悉還場市一切規模改歸如故民藉以寧公居心坦易不設城府孽之方命虐民固自與民同仇攻之不遺餘力其孫孤弱任為之攘禍患安土地初不因孽故而異視之

以禦患有方始終兼盡早聞於外而余所已惑者未  
幾公內遷州人士咸呼捨叫號乞留於幕府既不可  
得遂謀祠祀祠成徵辭於余余乃推究蒞獨之詳公  
首敦教化校舍神壇凡政經之宜飭者靡不煥然改  
觀朔望則集土類喻以孝親敬長之義且月有課自  
為分其殿最以示激勵建義學置膳田禮塾師以教  
寒畯子弟饑饉發倉貯減價以糶更為遍給於寡使  
同免於饑餓即賤糶撲落之屬人如枝鹿亦必撫卹  
懷保曰皆吾赤子也以其殊俗而怒置之其何忍耶  
公之待民甚怒如此而自責乃甚苛蒞獨四載不私

獨山縣志

文徵志卷一

壹

一環不役一民無論公私酬應悉皆捐自己橐即一  
勺之水亦必募傭而汲世有為民父母一勺之水亦  
費緡錢者乎其皎皎之操固人所難能也平日不以  
察察為明要己心如懸鏡物無遁形州之所屬道途  
遠近山川險易如指諸掌鄉曲一夫之擗竈婦里兒  
之唇稽目爭來前公不逆不億靡不先覺一為開示  
即彼此夷然若失而返為輯和淵睦余嘗攷獨山自  
設州以來官之惠愛於民者粵東陳公端西江右王  
公文初暨今趙公省庵趙公平素一切設施蓋同陳  
王兩公而特遭遇時艱不震不動獨山用轉危為安

勲業遂若出兩公右余家貴陽去獨山不數舍而近  
知公善政已非一日又徵之於莆田彭公矣先彭公  
以司諫出總郡縣庶獄甫下車即謂僚屬曰吾銜命  
來點過武城其父老子弟尚咨嗟涕洟以思趙令趙  
令遷獨山四年士民猶思之其實心而行實政者歟  
彭公遷去又以趙公勗厚屬謂爾輩治民若趙公治  
獨山者其庶幾乎彭公直臣也而偁公不絕於口然  
則祠公固宜甚余亦何敢以不文固辭以負我直心  
任事之趙公哉

獨山縣志

文徵志卷一

書

重修獨山州舊志叙

李縝宗

夫志猶史也其義一以信傳修舉之事厥任匪易必  
英敏博學卓識宏才理無不通庶定是非辨邪正明  
得失決安危審興衰察治亂準先繩後鑒古証今率  
由人心於軌度轉移世道於淳龐始無愧於古之所  
謂立德立言立功三不朽者吾勻疆土原皆奠地界  
黔東荒僻遐陬凋殘疲境叢山疊嶂萬壑千巖鳥徑  
羊腸蛇盤虎穴崎嶇險峻蜀道倍難猿獠猖狂縱橫  
出沒最稱難治置郡至今尚未久遠而獨山一屬設  
州在明弘治時雖歷二百餘年而蠻烟瘴霧披拂難

開性野心頑汙迷積染收斯土而司教養之職者久未得人也莫君自滇量移來收比邦嘆彝俗之澆漓漢憫民心之陷溺尚利蔑義嗜殺喜爭奮然以起衰救弊為己任挽維風教無他誨培學校明禮義正人倫興孝弟端習尚重廉恥勵頑振懦化暴還淳政舉教明風移俗易二年於茲烝烝色起非復村鄙陋劣之觀矣又念老成凋謝文獻無徵旁搜舊誌出以新裁廣採輿言遊神翰墨凡一州之星野氣候疆域山川民俗音風俗城池闕梁公署兵防田賦戶口物產秩官土司學校選舉典禮古蹟寺觀名宦人物鄉賢節孝

獨山縣志

文徵志卷一

壹

藝文災祥諸類公餘之暇因革損益字斟句酌彙纂成書前增未備後補闕疑分卷羅列燦若日星欲登梨棗以垂典章詳請鑒定併叙於余披閱之際第見生花吐鳳曼玉敲金將鶯競叢促荒山竟成為化日舒長樂土如遊我於山陰道上令人應接靡暇矣不覺欣然而喜曰異哉莫君其淵通淹貫學道愛人者乎蓋經濟文章原相表裏非學之博不足以成德業非才之大不足以建事功其英敏卓識如此無惑乎牛刀割雞之為易易耳噫此志成則莫君亦猶古之所謂三不朽者與獨山並傳不朽矣是為叙

續修獨山州志序

莫舜鼎

邑志即一方風土歷代典故以及山川人物備載靡遺乃為一州之信史昔余令滇之元謀思輯成邑志三年未敢繕稿蓋事莫難於創也適彭君學曾來自江左慨然延之坦園與熊君公持互為參定卒成卷帙量移獨山荒涼觸目四面苗彝凡城中所行輒皆棘手錢糧訟獄無一不問之土司也憲章制度毫無之徵也州牧惟尸位而已山川草木依然向榮惜無品題之者明宗禎間王大夫曾為創志原書遍求諸草野咸以兵燹時焚燬無遺僅於熊子起渭家得抄

獨山縣志

文徵志卷一

表

木數百所栽寥寥文嗣率不馴惟椒欒火之山則屹然在望也財之何名川則汪洋滙流也未自何源大以七十里遠來之薄官欲適悉其地方之巨細固亦難矣越期年稍稍習其大概適奉檄設府篆簿書鞅掌人置度外今歲之暇却事還州以交代瑣屑弁之於文山武水之間迨孟秋喘息畧定始欲從事已與學博向君商榷有成議乃彭君將遊楚過都與是以前之累彭君子元謀者而再重累之於獨山日華一則簡者以一為準繁者必終一日辛辛風雨無間枕席不徹歷初冬告成發而不貶贊而不虛贊而不

文徵者湖信者按訪麻述達子於老中儼熊起渭等  
鈎訪山名水源史考搜通志博采舊聞編次繕索刻  
為四冊唯藝文尚須擇尤雅期以光茲志典夫事之  
始末有不艱難者昔歐陽文忠公作醉翁亭記起句  
環滁皆山也五字史易至數百言而始定范文正公  
作旅先生祠堂記先生之風末一字先為德能以節  
繼以行終改風而乃確而不易余日不能兩行下何  
敢於言鉛槧庶幾仰止前微慎以行之或可無舛山  
靈水魄花鳥烟霞於是而諷之詠之傳之簡編地以  
人傳人將亦以地重視昔之靈方閣文惟嘆夫靈運

獨山縣志

文徵志卷一

一

之遊屐未及元章之拜石無聞其有聞矣是編也山  
水其幸乎抑藉山水之靈而是編其傳乎文章為不  
朽之事業舜臯不文章過時之可為後得郡守李公  
三韓世胄撫憲王公金臺名宿而於文章政事留心  
綦切為之校閱鑒定刪核繁簡使獨山永垂典章其  
有繫於風俗人心匪淺也余得藉以告無過於斯  
邑可告無負於斯職幸矣以言不朽遑敢冀哉

獨山縣志文徵志卷二目錄

續修獨山州志序

向允中

草堂拙筆序

李嗣白

報修輯獨山州志中文

劉岱

採訪告示

申送志稿詳文

獨山州志凡例

劉岱等

獨山州志鄉賢傳序論

續修獨山州志序

劉岱

獨山州考

劉岱

獨山縣志

文徵志卷二

九苗九名九姓考

劉岱

獨山州事宜條陳議

劉岱

獨山州志叙

陳荃



獨山縣志文徵志卷二

續修獨山州志序

向允中

從來治一邑者必有一色之志豈徒博爾雅供紙上文章於原隰高下之志悟審形勢之宜於山川風土之志知合人情之理於節孝名流藝文典故之志得激勸懲戒因革損益之道皆所以維風俗而為世道人心防也志之所闕鉅矣哉然非有格物之學不足以採幽索隱非有長駕遠馭之才不足以兼綜條貫非有其難其慎至明至公之識不足以考核精詳質今而傳後志之難與作史等獨陽為勻之西南屬邦

獨山縣志

文徵志卷二

一

彈丸最爾較之中土百不符一而一邱一壑自純風韻一草一木皆足品題高人逸士別具幽光義大節婦東之天性者吾聞十五國之採風不遺邯鄲二百四十二年之紀載亦及郭祀迺比邦自有朋以迄於茲逸馬無傳即或傳矣而若存若滅不能盡傳豈其事之不足傳歟今 盛世深山窮谷烝烝向風獨陽雖僻壤亦沐浴於光天化日矣大中丞王公復疏題請建學文治闡則凡興文治相維持者無不俱開予諺叨司鐸知山川之靈有待而傳者正其時也庚辰之季會稽莫公來牧是邦政和化洽事理民安逸

食之餘欲以昔之志元謀者志之速壬午秋適江左  
彭君學曾走千里為公訂舊文始謀攝管以終前之  
所未遑閱初冬而告成予不敏亦得與聞於其間而  
竊嘆公之學博才大其為風俗人心世道慮者至深  
且遠也寓發賅之正列是非之公去異而從同闕疑  
而傳信山川草木一披卷而燦若列眉人物風華一  
按圖而燦若指掌雕頭鑿齒皆可入王會之書洮月  
吹笙亦足當太史之奏而且示沿革考得失為司牧  
之龜鑑稽盛衰詳治亂為有土之典型將見文人學  
士讀之以流以連可以登高而眺遠父老子弟讀之

獨山縣志

文徵志卷二

二

欲歌欲泣可以立懦而起頑官守民牧讀之以經以  
權可以風行而令肅則是編也謂之為州志也可謂  
以一州之志即以治一州也亦可

草堂拙筆序

李嗣白

詩本人情該物理故十五國風多托於山川蟲魚芳草雜佩以極其達類之趣也迨至漢唐宋明諸家莫不各有精英神理不勦襲不雷同自成一家言以感人志意甚矣詩之有所為而作也予老友袁萬鍾先生出其所著草堂拙筆示余余雖於詩學未諳然有嗜詩之癖焉因披閱全稿見其詩心感則發以敬焉怒心感則嚴以厲焉哀心感則憐以救焉樂心感則暉以緩焉情之所生根於性之所涵理之所蘊也學積諸中言發於外可以公人可以傳世矣若曰擬漢

獨山縣志

文徵志卷二

五

摹唐帝明學宋不似門外漢聳听信屈則草堂具在有識者辨之予不阿其所好昔子朱子視張南軒為畏友余固不敢竊比紫陽若萬鍾先生誠余之畏友也哉鍾情語錄叙李嗣白趙季仁平生有三願讀盡世間好書閱盡世間好人看盡世間好山水又自謂人生如駒過隙恐未能盡酬所願但眼到處身到處不放過耳萬鍾袁先生少習舉業應童子試屢躓乃慨然曰吾人情之所鍾何必斤斤焉功名富貴也哉

沈功名富貴有主我者因其先世來自臨江伯祖買舟回籍謁家廟緝家譜而還先生一一記書於心其

生平所為凡過一良友咏訂交過一古蹟咏遊覽見  
一格言必抄錄彙集成帙名曰鍾情語錄錄中所載  
家譜之源流朋友之贈答聖賢之遺跡古今之訓言  
手錄不遺余乃知先生緝家譜廣孝思也記贈答敦  
友誼也景芳蹤儼恪恭也錄格言昭敬畏也情之所  
鍾惟孝友恭敬先生加人一等矣余因是有感焉儒  
者入功名富貴之場居大官大邑之地不可謂不榮  
乃或鞅掌簿書風塵結習即有名山古蹟不暇一遊  
甚至多藏厚積不念友生勞勞馬牛無一語言文字  
留後者此皆鍾情於功名富貴而反為之桎梏何如  
獨山縣志

文徵志卷二

四

先生孝友恭敬鍾情於性分之地乎讀斯錄者即謂  
繼季仁而滿所願也可即曰眼到處身到處不放過  
也亦無不可

為公議捐修州志以維風化事乾隆三十一年五月  
二十六日准卑州儒學學正謝庭薰訓導李廷諭牒  
據州屬進士蔡其發萬邦英舉人黃瓊都其思貢生  
蔡其昌夏正統黃其中袁昂黃瑞蔡其華生員徐世  
昌等呈稱竊獨山地屬苗疆溪沐 聖化百有餘年  
雖文物聲名與內地無異然志乘 修事蹟難考即  
間有見於省志府志者亦廖廖無幾山川人物殊多  
缺畧今昌等檢查前明王父母希曾暨 國初莫父  
母舜窠所撰舊志抄本尚有通志所未備而其中所  
獨山縣志  
文徵志卷二  
五  
載亦復寥寥不惟地方減色即忠孝節義亦多湮沒  
不彰無以為維風勵俗之資昌等生長斯土竊有志  
焉茲公同商議願選派多人再加採訪分門別類蒐  
羅必謹各出己資延致通儒纂輯成帙付梓刊刻以  
垂永久是否可行理合呈乞轉報等情由學牒呈到  
州准此卑職隨密加體察實係該紳士等各自量力  
捐修除飭令自行經理不得勒派勸捐并官吏藉端  
苛派致滋擾累俟纂輯成帙呈送 學院核正付梓  
刊刻外理合具文中報 憲臺 憲臺考

採訪告示

為採訪事照得本州志書業經修輯成編將登梨棗而人物一門關係風化獨山舊係苗疆所有忠義節孝山林隱逸本屬景星慶雲不可概見非人事之不修實時地之難強所有行之載藉及輿論傳聞但有梗概即應體訪採擇俾作後來興觀之資但恐是非刺謬則又無以示標準而昭來許合行出示招採為此示仰合州士民知悉除有案可稽如鄉賢萬國清孝廉方正黃理中孝子周應舉節婦袁陳氏黃劉氏徐胡氏徐黃氏張陳氏趙徐氏等無庸再議外其餘

獨山縣志

文徵志卷二

六

原日無案近日新採入志種種人物鄉黨公論宜再加核實如果確有見聞是非爽實即公同<sup>舉</sup>出出以憑芟除抑或碩德名流幽隱不彰果有真知灼見亦即公同舉報以便核實添入書成在邇吃毫以待行切翹切

申送志稿詳文

為呈送志稿懇賜鑒定以便刊刻事乾隆三十二年四月初八日准卑州儒學學正謝廷薰訓導李廷誦牒稱紳士好義各捐資斧纂修州志已於乾隆三十二年五月二十六日據呈牒准中報在案隨於乾隆三十一年六月內廷請原任翰林院檢討艾茂到州聚集諸生公同開館纂修今於乾隆三十三年四月牒請呈送 學憲核正飭發付梓刊刻深為公便等情准此卑職復查無異理合具文申送 憲臺俯賜

獨山縣志

文徵志卷二

七

核正飭發付梓刊刻以垂永久深為德便

獨山州志凡例

劉岱等

一人所以提警而矩步規行者莫如 皇極數言茲修州志敬錄數條以昭臣民之法守

一自乾隆乙酉春因修一統志奉 部咨取州志而州志未修事實概無可考州人感興覓得袁彝鼎手抄莫舜鼎繼王希曾所撰舊志未免缺畧證以蔡其昌家藏篆書更加分採纂輯丁亥詳修戊子夏告成冬付梓己丑工竣

一茲編十卷中間做通志列天文地理營建食貨秩官武備人物藝文等各以一綱統衆目庶覺以類相

獨山縣志

文徵志卷二

八

從有條不紊然前有 聖訓後有雜記無綱目可分則又變通而出之

一茲編以通志為張本而通志中間有誤者訪實改正

一王志莫志僅二十餘頁所載故實寥寥無幾茲編雖因之而實同創舉將期為此邦千秋信史其可信可傳者載之稍涉疑似者寧缺不載

一可置不容杜撰一字舊志但載各司設官及改土設州大畧未申明其說之見於何典茲本通考明史諸書一一分析循次編記其說之互異者並加條辨



亦或存疑

一地輿總繪分繪各加圖說山川支幹源流疆域四正四隅等皆一一注明俾閱無俟登臨皆洞鑿此地形助勢瞭如指掌

一通志不載道路茲志大小路一一詳載不但便於行旅且因以周知閩隘險易便於巡防稽查俾草竊奸宄無從托足

一志之修將以正人心維風化故學校典禮書院諸類較詳俾讀觀感興起在上為名臣在下為士綱常植節義益有實用非徒以資博洽

### 獨山縣志

#### 文徵志卷二

九

一各志武職官僅紀其官職負弁數目茲並詳紀姓名功績如文職俾知設官分職各宜勉自建立作邊方干城而武備諸事一一備載不但有閩制度且以備斟酌咸宜之用

一志中事事皆宜核實人物一項將以作後世典型尤不可一毫虛假以奉 旨旌表者為正其餘有奉各憲獎勵者有已入舊志者又有埋沒於貧窮未經表彰者初分採時人數頗多及集眾紳士公同嚴核凡舊評新評稍有一毫未當者不敢濫錄

一人物一門皆宜慎重而鄉賢之宜慎重更甚舊志

余顯鳳袁明哲列入鄉賢但載其名未注其事實查學宮向無牌位又無冊可考不敢漫遵舊志復入鄉賢然兩人既掛名舊志必有非無因而得名者再四旁搜余顯鳳從貴州流寓志誤刊處搜出酌入文學志袁明哲從袁氏族譜搜出酌入孝義志

一藝文有古作今作或寫山水或紀人物或道今昔事實皆擇其有闕此邦文教者乃選入其浮泛及不雅馴者概行刪削

一合州之事物無窮一時之採訪有限中間倘有遺漏觸類引伸補所未備以俟後之君子

獨山縣志

文徵志卷二

十

一志皆係集衆思廣衆益分門別類去浮存實擇紳士公同商定姓氏一例附列

獨山州志鄉賢傳序論

古所謂鄉先生沒而可祭於其社者非以其位以其德也蓋其身之所行實有以關乎社稷民生至奕世以後而大公之論彰善之典自有所不容已此秉彝好德誠非勢力之所德而強也獨陽開闢未久前民英流罕覯我朝定鼎之初其間應運而興人才不乏以志乘缺畧軼事靡從蒐羅不免荒煙蔓草之嗟幸而典型在望實能增輝於里豆庠籩間其事實可考而二三逸老猶往往能言之詢可以為此地人物冠冕謹登諸篇為後來者勸焉志鄉賢

獨山縣志

文徵志卷二

二

論曰名賢之出各有其候邑人萬國清生當國初以一介書生頓壯十城於行郎紫泉之間夫豈偶然哉聞諸父老言國清於萬曆二十九年生江西南昌崇禎十一年明經十三年輔應太守赴滇任十五年自滇旋道經黔之獨山占其風土美無異豫章遂家焉生平敦孝友好任卹在寄籍中矯矯然為出羣之雄順治十三年以智勇從軍軍官軍馬三保領平阿危之亂康熙九年以七十壽終邑人感其德五十四年公舉請入鄉賢祠按祀典忠勤報國孝友宜家生有補於君民死無愧於俎豆宜入鄉祀又考黔省

鄉賢志前明王訓博學知兵年十八上保邊要政八  
策宣宗嘉納之正統十三年麓州苗叛尚書王驥討  
之辟訓佐助十四年苗捲圍新添等衛尚書侯進辟  
訓贊畫皆有功年八十卒入鄉賢至今享祀不絕若  
國清者其訓之流乎抑何名列祀典兩相符也今國  
清子若孫皆以醇謹傳家蟬聯取甲第為州望族孫  
豫鄉榜名次與子氏欽符合曾孫邦英會榜年分名  
次與子氏欽先後不爽識者以為陰德之報云詩曰  
詒厥孫謀又曰克昌厥後信夫

獨山縣志

文徵志卷二

十三

續修獨山州志序

劉 岱

易大傳曰上古結繩而治後世聖人易之以書契遞  
推遞廣垂為三墳五典其體則志書久佚矣孔子刪  
書斷自唐虞又因魯史作春秋劉知幾曰書記言春  
秋記事而已若宋若鄭其史皆謂之志迄漢司馬遷  
史記分五體其記事之體曰書班固漢書易書曰志  
沿及歷代曰記曰典曰錄曰說名稱各殊體例相倣  
唐宋而下一切大著作京之天子分命儒臣任其役  
國史而外復有一統志合天下各道路行省郡邑諸  
志纂集而成蓋自古一州一邑莫不有志其晉乘楚

倚机魯春秋所流衍凡以供天子輶軒之採然則州  
邑之有志州邑之志之宜修其事可謂亟而其責可  
謂重乎乾隆乙酉歲天子以西陲底定疆域式廓迪  
命臣工重修大清一統志將以誨示奕葉為千古未  
有之典幸部牒至黔分行下獨陽尅期待覆登檢州  
所有冊籍僅黔省通志一部所載獨山事寥寥無幾  
乃牒學蒐讐序所歲亦復無異倩學博謝君自南李  
君聖言得前牧莫君舜彙並明牧王君希曾所修州  
志殘稿數十頁雖首列門類乃其事實仍復寥寥然  
以視通志則已加多然手自編輯益所未有敬謹申

獨山縣志

文徵志卷二

十三

覆不禁喟然歎曰彼西陲為古獫狁于立國苦寒  
地中國從來所不得而臣今皆入版章垂志乘人物  
風土莫不載之簡編昔士奭著錄劉炳載書而今文  
趾燦煌珠俗之鄉磊落英才粲然盈囑以今相方直  
判霄壤獨陽最爾邊方界黔南西南裔闢於元撫馭  
於明迨我國家設官定制城池學校以次修舉聲名  
文物彬彬備盛而顧听其山川景物暨忠孝節義事  
業文章寂寂無聞不惟無以仰答明詔將風俗其何  
以勸而膺此邦民社寄者亦究何以前知其郤與竅  
而批導之無難耶岱由安莊牧調此邦四載矣其於

地方山林川澤風土民情平陂不同形筭畢不同好亦既默識而心歲之史通云十室之邑必有忠信欲求不朽弘之在人爰商之兩學博即今抄中冊更為討尋古籍詠譯者苟庶以勒成州志一書於以信今而傳後兩學博唯唯越二年率同志諸人士以開館請代嘉其志具文詳報惟念岱學本固陋自遯入成均計偕乃能聆諸大師易象太極性道文章諸論式教胄子洛充西清校錄籍以窺四庫鄉函之富諸館閣文章之盛重修三通古籍奉火總裁陸龜川夫子命代授史館諸前輩校訂謬誤粘簽外復分門校對

獨山縣志

文徵志卷二

四

益稍稍有所得今一行作史垂十五六年矣江淹有言脩史之難莫過於志謂其為憲章所繫非老於典故者不能為鄭夾深謂志之大原起於爾雅史記惟博雅不足歷代史書雖踵班固作志皆詳於浮言畧於事實究有克盡爾雅之意志可易言修哉岱憶曩於都門晤鳳喙父太史雲之麻岷人學有本原適子吾家居乃高同諸君延聘至州秉筆從事脫稿後屬岱核實代雖職任彼繫不敢以謏陋不文謝公餘之下與謝李二君乙夜批討或理盡於篇中無妨省文約文或事溢於句外不惜繫說繆詞雖或有時如昔

人所云於其美詞愛而弗不過微有改易要之一名  
一物隻字片語務求真而確以當於人心之公而後  
即安編成十卷以天文地理營建食貨秩官武備人  
物藝文八門為綱內分星野氣候祥異輿圖建置疆  
域山川古蹟閑梁風俗場市村落苗蠻方言城池公  
置署學校典禮書院賦役倉廩物產職官名宦土官  
營制師旅選舉鄉賢孝義文學隱逸列女教誦議頌  
考序碑記記傳文論賦詩四十六門為目而首之以  
聖訓終之以雜記庶幾一州信史矣謹裝潢成函遵  
例呈學憲鑒定謬蒙獎許命登棗梨是役也艾太史

獨山縣志

文徵志卷二

五

以館閣才數經籍之膏腴俾獨陽景象耀於光明煥  
然一新復得謝李兩學博偕二三稽古士蒐羅折衷  
不遺餘力俾岱得有所藉手乎心靜氣凝議增損於  
其間均非偶然雖然要亦不失乎記事之旨而已昔  
軒轅時倉頡沮訟作文字以代結繩之陋今獨陽魍  
結邊裔刻木示信與結繩等雖自有明改流迄於昭  
代而典章猶未備賴諸君子苦心港捲終能輔州技  
纂集成帙志乘之垂何敢上擬古人然其自無而之  
有謂比之倉沮始制文字可也傳曰天地久長風俗  
無恒後之視今亦猶今之視昔然則運事增美不能

不有望於後之君子是為序

獨山縣志

文徵志卷二

十一

獨山州考

劉 岱

州名獨山何州轄四土司其治設獨山司治故址即以獨山司之以獨山名司者名州也獨山司之以獨山名司何父老相傳去今治南二十五里平原中突峯<sup>嶺</sup>出曰獨山土司蒙氏設治其西故以獨山名司嗣蒙氏姑媳各撫孤爭襲一踞白虎壘一踞羊角壘州牧乃遷今治就今馭之蒙氏亦遷西門內即今守備署治雖移而獨山之名州與名司均不移也今州治在昔何名王希曾志獨山川移治於前元都鎮馬乃等處長官司故址由獨山移也固可與父老傳聞



相發明但通志廢都鎮馬乃等處長官司故址在都  
勻府北七十里與今治在府西南一百二十里不符  
考元史管番民總管所轄都勻府之後有都鎮新添  
葛蠻安撫司所轄有都鎮馬乃等處而普安州志有  
馬乃樓下免場三營普安縣亦繫馬乃故址則馬乃  
之地都鎮之官元時在在有之獨山特非府北七十  
里之廢都鎮馬乃故址耳大事紀獨山在元時為都  
掌蠻曼亦都鎮官司所治之一證希曾說符明都勻  
之志莫舜彙志特因之獨山之名州初見元史續文  
獻通考云獨山州軍民長官司明史云九名九姓獨

獨山縣志

文徵志卷二

七

山州長官司而元史直云獨山州安亦羈摩州耳非  
於續考明史有二義也不然元之各州盡隸行省獨  
山何以僅隸新添葛蠻安撫司也明弘治七年五月  
升為獨山州屬都勻府此則改土州為漢州故言州  
誠同而據體統固不妨日以升也抑又考之凡府之  
與衛共成者始有君民之稱獨山從未設衛而續文  
獻通考所載亦有軍民長官之名且州轄四土司明  
史竟遺領獨山長官司而更載領清平縣蓋當日編  
次但知獨山升州疑以獨山司改流遂已無獨山司  
司又誤以都勻府之領清平縣者載入獨山州耳此

外承謫襲謬可無庸辯余忝牧茲土有循名責實之任為攷州之所由名獨山而獨山之所由名州之始末而類記之如此

按元史百官志各屬官有都鎮撫司都鎮撫一員副都鎮撫一員地理志管番民總管所屬有都鎮一新添葛蠻安撫司所屬有都鎮馬乃等處一是都鎮撫自指官而地理志之都鎮並都鎮馬乃則因指地劉攽舉地志之都鎮統司以官殆未悉究

## 獨山縣志

文徵志卷二

十

九苗九名九姓考

劉 恂

貴州舊通志曰九名九姓苗又曰九名九姓獨山官

官司因之坊本爵秩編載曰九苗謂本之一統志云

或問父老曰獨山境內自漢人皆繫江左江右楚蜀等省客籍外其自古土著之人在獨山司者曰狝家

狝家間有黑苗在上下豐寧司者曰狝家在爛土司者亦曰狝家狝家黑苗合之祇三種苗耳何為乎有

九名九姓而總以九苗之稱耶答曰各苗散處於獨山司九捧地方故曰九苗蓋因九捧而名非有九種名姓也亦猶興隆九股苗武侯南征戮之殆盡僅存

九人遂為九股亦非謂苗有九種也問仇苗為一州古名何以置豐寧爛土而專以獨山司言答曰據明史九名九姓崇屬獨山長官司故九苗之說不更及於豐寧爛土也問何為九名九姓答曰明洪武初獨山司分地方為九牌曰翁奇曰擺九曰瓢洞曰大地曰雞公曰高乙曰蘭答曰秧砦曰五狄併九捧是為九名九捧犬牙相錯名不止九所云九名特各舉一砦以為牌名耳又立捧目曰莫曰陸曰梁曰黎曰章曰孟曰岑曰羅曰吳共九人是為九姓九姓分管九牌而統於土官故曰九名九姓長官司也問九名屬

獨山縣志

文徵志卷二

九

九姓有定乎答曰其始固有定而後亦隨時變更也其始之有定者莫曰翁奇陸曰擺九梁曰瓢洞黎曰大地韋曰雞公孟曰高乙岑曰蘭砦羅曰秧寨吳曰五狄以各姓捧目分司各牌而各牌苗民亦半隨捧目之姓以為姓也其後之隨時變更者明弘治設州時土司以孟之高乙供州牧公事出入之役而去其一梁捧瓢洞歸於岑而去其一其梁捧之歸於岑也或曰梁捧與岑捧爭地不勝梁捧遠遁也或曰萬厯中梁捧隨蒙詔往宣威營遂為彼地土目而弃其所管也是則九名九姓內明時已缺其二矣故今曰七

姓七埭也又康熙中別立蒙埭管兩懷一牌雖增其一而七埭之說未之有改要之非復當曰九名九姓之舊矣乃若九苗之說下及於爛土豐寧者父老之言固然攷今爛土豐寧土司分管地方亦以埭名其姓多有同於獨山司者皆云六埭七埭不聞九埭也抑又思之姓綱者名目也有姓斯有名未有先名而後姓者如以名繫姓當日何不曰九姓九名而必曰九名九姓詢之父老曰名地與名人不同人則先有姓以待名地則先有名以待姓其在當日或先分立九牌地名然後擇九姓之能者管之耶是未可知也

獨山縣志

文徵志卷二

二十

總之洪武時冊籍土司子孫既已散亡無存舊州志雖當指數顧語焉不詳茲謹詳記父老所傳以俟後之考古者

竊卑職質本愚魯學媿通方任鎮五年于役三載凡於地方利弊之宜差委鉛運風波之險莫不思其職之所當盡竭其力之所能為仰叨 憲庇俱免隕越茲調獨山抵任又一年矣所幸積年塵案既已廓清惟查獨山一缺名為舊疆人文蔚起苗民男婦漸有華風實與鎮寧等州業經改歸內地者無異惟地屬土司分轄自應因地制宜庶於化民成俗之道有裨謹將查明應辦事宜為 大人陳之

一土吏土差宜一體定以名數造冊稽查也查近奉

獨山縣志

文徵志卷二

三

文府廳州縣書役人等俱遵例不許濫收白役亦不許擅入苗寨索酒飯滋擾誡撫綏苗疆之要道也第土司地方凡有催科差徭及緝拿拘提之事俱責成土司流官差役不過在於各該管土司家內坐守是土吏土差所關尤重若輩與各民苗聲息相通語言相習土官賢則為善有餘土官不肖則為不善亦有餘職愚以為宜依照流官衙門書役人等定以名數查各土司書役不過一名土目向有六目之名又各有小目六名共十二名造具清冊送州每年四季親赴點卯不許多收滋擾庶有所稽查若輩斂跡而苗

民受庇無窮矣

一土權一項宜永遠革黜也查土官一職各延幕友一名書吏一名土目大小十二名已足辦理地方公件不知起於何時又添設土權一項顧名思義頗屬不經伊等多係土官親長暨地方有勢者為之甚或另立衙署私置刑具苗民稱為權爺畏其威與土司等實為陋例相沿於地方有損無益卑職管見以為永宜革黜以肅官常

一實徵糧冊宜依照舊疆查造也州縣徵收錢糧全以實徵冊為憑黔省苗疆地方一應錢糧僅知總撒獨山縣志

文徵志卷二

三

數目而無實徵細冊可考夫州縣既無細數清冊總撒數目從何而來誠所不解卑職前任鎮寧州暨署普定縣事兩處原係苗疆尚有實徵冊可考鎮寧實徵冊載明各寨原日花戶原額新懇田糧及荒蕪實在各項總撒數目普定則止有某寨糧數若干而無花戶田畝名數今獨山並此而無之其每年銀米又俱由土官差役經手收齊彙解誠恐加徵飛撒及徵多解少等弊勢所不免是以卑州爛土司苗民控告張乾案內有土司得操出納之權之說經卑職稟請布政司懇將實徵冊發文抄錄蒙批本司衙門亦無

實徵冊僅有總撒數目令卑職斟酌妥辦當即錄批  
行查四土司二土舍迄今尚未回覆卑職管見以為  
苗疆地方若遽照內地清查備造魚鱗細冊猶恐滋  
擾似宜倣照鎮寧查明某寨頭人某某田若干秋糧  
若干條馬若干新懇若干總數則每年該土目等經  
管徵收該頭人等經手交納自有定數按照抄錄事  
不煩而民不擾其餘諸弊自可漸次剔除而國賦  
倍加慎重矣

一古額寨長當客夫馬各田宜飭令清查毋得私賣  
侵吞也黔省各苗寨向有寨長當客夫馬等田夫馬

獨山縣志

文徵志卷二

三

田伺候大差辦理夫馬其義易曉至寨長當客等田  
蓋因黔省跬步皆山場市寥落差役勾攝公務行至  
中途天晚不能不於苗寨住宿另有此項田畝與夫  
馬田俱輪流耕種充當卑職前任鎮寧時每有因爭  
種此田詰訟者無累於民而益於公已非一日近因  
奉文禁止差役擾累民苗令地方官顧備夫馬竟有  
將以上各田畝私行變賣及侵吞不吐者不知上  
憲體恤苗民不過令其不許苛索酒肉額外苦累耳  
非竟令伊等視官役如陌路更將官設田畝一概侵  
吞也似宜通飭清查造入實徵冊各寨項下應否照

舊充當仍嚴禁官役滋擾之處伏惟 憲裁

一苗寨蒙師宜飭土司稽查不許教唆詞訟也漢人擅入苗寨久奉例禁至教唆詞訟近奉 憲飭嚴行查拿在案第查近日苗民讀書識字者頗多更有與考進學者是延師課子例所不禁前卑職任鎮寧時即訪有等不肖生員糊口苗寨其蒙童先教以詞狀及賣田文契字樣禁革在案夫蒙以養正少成若天性昔賢言之詳矣况愚苗無知聽信漢奸一言即奉為耆龜終身牢不可破何可令此輩潛居各處貽禍無底除再嚴行查禁外理合稟明伏祈通行查禁

獨山縣志

文徵志卷二

一土司土舍等官宜一體飭令講讀律令也 國家承平日久邊徼教寧舊疆苗民烝烝向化一道同風之盛亘古未有守斯土者不惟綏靖為懷更宜俾之明白道理凜遵 王章則桀傲之氣不禁自戢但讀書明理苗人千百中無一二人查律例條件罪名攸關小民犯法半由無知誤犯而 聖諭廣訓一書煌煌天壤炳若日星凡有民社之責者胥奉為化導之準但苗疆地方言語不通雖教斯土者每逢朔望諄諄講說而彼茫然不解其何謂也職愚以為宜飭令各土司於朔望日或場市人眾之地檢土吏土目中



明白文義或生員中能通苗語者實力訓誥宣講振  
愚蒙而開聾瞶莫切於此以上各條卑職管見體察  
所及不揣愚昧約略敬陳至於黔省他處有無似此  
未敢概論

獨山縣志

文徵志卷二

七

獨山州志敘

陳 荃

乙酉冬余奉 簡命視學茲土甫入境欲訪其山川  
風土沿革建置而不可得乃遍徵州縣各志究亦百  
無二三焉未嘗不歎紀載無徵傳聞失實雖邊荒僻  
壤文獻不存亦以司其土者因陋就簡不知以修明  
為己責也越二年而獨山州牧劉君乃以新修志稿  
告厥成獨山舊為土司地明改州治隸於都勻雍正  
五年開闢新疆於古州為近固黔中一巖邑也澹園  
劉君以夢澤名材用資保障蒞事六載政通人和百  
廢具舉公餘之暇復憫舊志散軼急謀考訂而更新

之彼都人士亦皆鼓舞奮興樂襄其美草穉甫脫即  
郵正於余其中綱舉目張條分縷析無不釐然各當  
於人心俾世之循覽是編者皆知今之總總林林桑  
麻雞犬即昔干戈兵燹之所擾攘也今之墉墉仡仡  
星羅碁布即昔虎豹豺狼之所盤據也今之炳炳麟  
麟雲蒸霞蔚即昔鳥言卉服險棘侏儒之難與通曉  
也他如山川生其秀麗人物發其華滋何莫非 聖  
天子武功丕振文教遐敷恩普德洋淪肌浹髓而賢  
有司復能宣化承流盡其職於下故風俗日臻於隆  
而轉移不自知其速然則讀斯志也可以油然而興

獨山縣志

文徵志卷二

二十七

矣豈獨訂訛補缺備一方之掌故云爾哉

天下事有難行者得其人以舉之而事竟有成如志書一事必考據精確詳略得宜乃能傳世昔在大雅不免貽譏故修志之難與作史等顧昔人謂修志難修黔志尤難蓋黔始通於莊蹻鑿於唐蒙地理水經山川罔載故尤難也余謂黔志難獨陽志尤難獨陽改州最後設學較遲風氣初開稽考無自不更難歟曩者州牧莫公與博學向公網羅散失勒成一書事在康熙四十一年世遠年湮殘篇斷簡寢以荒廢嗣是牧茲土者如成都陳公昌黎閻公具博雅才概然

獨山縣志

文徵志卷二

三

有修廢補缺之意俱以蒞任未久日不暇給豈天時人事尚有待歟抑殘缺失敘考訂之難也刺史劉公澹園以漢川選士肄業成均校書武英殿繼向敬之舊業搜天錄之秘藏魯魚帝虎多所引證一時虎觀石渠諸前輩服其精確書成議敘由指揮擢用外任其調繁獨陽也撫字七載百廢俱興念封守之不易慨典籍之遺亡毅然以修志為己任因延博學謝季二公暨諸紳士集議曰有州而無志是無州也有志而不修猶無志也獨山外連粵界內控新疆幅員濶矣身為民牧而戶口之不知疆域之不理山川之

不考因革損益之不稽風土人文之不悉將欲起化  
繼風補偏救弊其道無由不出戶庭而知通塞不歷  
山川而識險要厥惟志哉舊籍猶存新事可採諸公  
多士各出見聞匡我不逮其事固可立舉也僉曰修  
哉公因設局延余至共商厥事憶余昔在詞垣承乏  
通考館纂修官總裁為陳星齋先生余嘗謁請教先  
生曰書不云乎詞尚體要時則甫修三月以讀禮歸  
未能受而卒業是役也亦惟是稍參末議取證高明  
與謝李諸公參互考訂統于公而折衷焉余竊嘆志  
書之修從前之難如此若復遲之又久將前稿盡失

獨山縣志

文徵志卷二

竟

是終無成書也公則事在必行書竟有成果而確無  
難焉詎不信歟方今 聖天子聲教四訖薄海以外  
皆入版圖獨陽較之尚近在內地人材之盛視昔有  
加時至而事起運開而文明具在今日乎公以廣化  
之循吏而會逢其適余以鼓吹之散人而得觀其成  
斯固一時之盛事也於是乎書

獨山州志跋

謝庭薰

朱紫陽蒞官所至輒搜其志乘蓋儒者學問之道既博考於古尤必廣覽於今志也者統古今上下罔有不載將學問之實獲於是乎在一旦握治理之柄而有所事於其地文章政治亦於是乎出不徒誇宏博矜淹貫已也薰秉鐸獨山之二年刺史澹齋劉公由安莊調任念獨邑學校開設未百年相與集諸生朝夕講貫維挽化導俾進於醇古不欲染浮囂習薰與同官李君聖言合志兢兢惟恐負朝廷設官振興邊方文教意乾隆乙酉春奉部飭取各邑志乘為重修

獨山縣志

文徵志卷二

五九

大清一統志之用獨山舊無刻本薰等勸費詳覆後慨前牧王公希曾莫公舜鼐舊志殘缺遂殷然有修輯之思薰等承其命故節孝即始於乙酉查報自此閱史冊有載獨山故實者則錄之遇碑碣有勒獨山往事者則紀之聞一名勝區宇則躬親勘之晤一老成人則以獨山事蹟詢之顧志料雖稍稍儲蓄而秉筆則謹俟君子丁亥二月延里耄夏子正統未幾病歸所遺總圖疆域及二古蹟稿大較尚莫之易六月延麻峽父太史鳳崑甫舉筆以事歸七月劉公應京鉛之役署州長豁垌張公於九月又延父太史至

京鉛暫停運劉公亦即復任相與纂輯彙稿正須詳訂太史復以事踰月歸劉公乃集薰等而專責曰方今聖天子文治光華大僚咸承流以率其屬在州牧固應品文物垂典章整綱常端風化而州博亦與有責寧可聽其事未半而早廢乎哉薰不得已遂忘固陋而偕聖言黽勉從事伏思今天下所以久安而長治者皆我國家教澤深厚俾中外肌淪髓浹也獨陽雖黔中界粵邊裔然志一州應首奉聖訓以為一州臣民大法其次益發憤稽文獻然後各門顛末庶幾詳盡所尤惕惕於中者名官職官鄉孝義文學

獨山縣志

文徵志卷二

序

隱逸列女不敢以古人既往簡斷編殘而不為之蒐羅也不敢以其人之抑塞久經埋沒而不闡其幽光也不敢以其子孫之顯貴而謬揚其祖父也不敢徇乎衆好衆惡而不求善者之所好不善者之所惡也吳氏曰數其事而稱者之猶有所未至也子產有君子之道四是也再四嚴核苟有以得其人生平或一善或數善之實不敢避嫌而不直書以示先型勸後來也明代西麓子修思唐志謂闕世運且有經邦之道薰竊意一邑中惟真得忠臣義士仁人孝子為之風勵於其間乃能貞百度熙庶績用是黼黻聖代隆

平此所以兢業久之而不敢苟焉筆削也薰弱質淺  
中向祇從諸君子後稍參末議今迫於不得已雖早  
夜奮勉務完志稿而常若承重負行畏途惴惴焉弗  
克遠到之是懼故每成一帙必先質之劉公公手修  
飾尤敬慎其引經史律例直自取兵武庫不勞更鑄  
至於此地事實公歷任久最稔尤不憚反覆商訂謂  
薰曰我輩勿各執己意欲加毫末空鑑以照平衡以  
稱惟以獨山之所應有者還之獨山而止戊子四月  
繕稿既就乃遵例詳請學憲釐正其時薰痛以母憂  
旋里十一月付梓劉公復召回校讐又細綜覈十二

獨山縣志

文徵志卷二

三

月恙受業裁師思誠適來踐任又賴指授己丑竣先  
後經年五易稿八仰賴大憲鑒定劉公澹齋總其成  
李君聖言同其任商修紳士莫踴躍於孝廉都子其  
思明經黃子璠蔡子其華廩膳徐世昌蔡兆瑞黃瑤  
等乃若明經李子如璣袁子昂討論較影薰同年羅  
羅子麟以勾人館獨邑談古事鑿鑿間亦采入薰謬  
遭時得諸君子可與有成惟是耐心以廣集衆思雖  
嘗一一假之薰手究何一為薰之所有哉時乾隆三  
十四年己丑仲秋

略述貴州通志付印的經過及我們的願望

譚克敏 卅一年三月

當抗戰緊張關頭我們來提倡印刷貴州通志自然有許多人會責備不識時務我們也認為並非必要不過我們對抗戰工作並未放鬆一步另一方面行有餘力完成這一部分有關文獻工作也絕不妨礙抗建大業在此時期我們應該要做的事業是很多的在若干事業當中盡我們最後的努力印刷這一部已成的志書也是必要的提到貴州通志的問題便聯想到任志清先生因為他是主持此事的發起

獨山縣志

文徵志卷二

七

人也是主纂人在去年九十月間我曾經給任先生一封信說道本省通志得公績修仰承規劃至欽偉業月前問及文獻館同仁謂此書雖十九脫稿而尚待綜核必欲播印仍須審勘竊以此書為海內賢達及地方人士所亟欲觀成曾為達公主席言及亦頗思早日殺青敏之愚意更欲從旁助成不審脫稿幾何能否分別逐部付印抑或擇最付印得公諸當世諒亦公所贊許者也這一封去後樂於教導的任先生果然覆來一信說道承示達銓主席與執事對省志同具熱誠深惜一贊之功思竟百年之業聞命之



餘忻感無似竊以志事自民八初議洎今已逾二十  
年中間屢謀結末計劃印行乃波折頻生遷延至久  
鄉人辦事之難言之猶深隱痛比年屢思與達銓主  
席議及徒以牽於吏事未得息肩又當國難方殷恐  
人議為不急之務輒中止然耿耿之私未嘗一日自  
暇也志稿各部門皆已削草至再不過累年續有采  
獲數量不少尚須畧加綜覈貫串之功俾為完整要  
亦計日可以程功不致多煩顧慮但須就經費方面  
籌定的款俾得一氣呵成免致停頓此地方偉業非  
其人不能成達銓主席與執事於此時提倡觀成可

獨山縣志

文徵志卷二

三三

以不朽即澄得假手以告成功庶幾二十年心力所  
注不至虛棄翹企翹企任先生如此鼓勵我們認為  
地方偉業非其人不能成簡直使我們不能卸責了  
同時萬大章先生也給我一種鼓勵並且草擬了一  
篇結辦貴州通志方案說明(一)近年辦理之情形(二)  
現擬整理之計劃(三)人事應有之預備這一篇方案  
曾轉呈吳主席看過亦表贊同接着任先生又惠然  
肯來謁見之後我即刻上了一個簽呈給吳主席說  
道貴州通志自清乾隆間靖通謨氏纂修後迄今二  
百餘年未有續作今續修志稿之編纂亦歷二十餘

年之久尚未付印誠恐再事遷延變化莫測致使稿件散失實本省文獻之隱憂為保存文獻計不得不於無可如何之中力求減印部數以期費用節省一俟國家地方恢復戰前狀態視各方需要如何再為翻印亦易辦理經以此意與任先生商酌擬在華家山賃屋數椽以為纂修之所因該處有防空洞每月房租及纂修抄寫人員薪津擬定為三千元全稿完成約須一年此項經常費用以一年為度共需款三萬六千元至印刷事宜擬畀交通書局辦理並經與該書局議定印價全書先印五百部所需工料油墨

獨山縣志

文徵志卷二

七

紙張等費共二十六萬餘元兩共三十萬元一俟合約商訂定即可着手籌備謹將洽商情形及各費概數簽請鑒核簽呈後省府全體委員均表贊同如此順利的便把二百餘年的志稿交與交通書局付印了有人問志稿業已付印志書的內容可得聞乎志書的體例老早公布於世共有十九個部門各部門中又有一些小分類附記於後

一與地志

疆域圖 府廳州縣圖

歷代疆域圖

山川關津營汛驛站郵務電報圖 附

山脈水道

二建置志 沿革表 城池 衙署 驛傳 關梁

郵局 電局

三前事志

四秩祀志 上祀 中祀 羣祀 附記 寺觀附

五食貨志 戶口 田賦 課程 經費 蜀郵

積貯 釐金 關稅 協餉

六職官志 官制 文職官表 武職官表

七學校志 學官 學制 學額 書院 義學

學堂

八選舉志 制科 文進士表 武進士表 文舉

獨山縣志

文徵志卷二

三五

人表 武舉人表

九武備志 兵制 國防 保甲 警察附

十風土志 氣候 風俗 方言 方物

十一經業志 農業 蠶桑附 工業 商業 林

業 礦業

十二官績志

十三鄉賢志 德行 政事 文學 武功 志義

制兵死事名氏表 民兵死事名氏

表 附隱逸

十四列女志 節烈 節列名氏表 貞孝 賢明

十五金石志

十六藝文志

十七古蹟志

十八土司志

苗蠻附

十九雜志

由這些部門看不可謂不包羅萬象應有盡有前幾

天因為此曾進見任先生他更表示志書的體例最好犯現代化的材料編纂進去更為完備足見虛懷不夫為學者風度我們實願有此主張比如氣候一門的記載就應該把氣候測量所的材料拿來應用

獨山縣志

文徵志卷二

七

因為我們貴州的農業是專靠天時的如果有十年或二十年的雨量比較對於指導耕作更有把握又譬如礦業一門近年來樂森瑋羅繩武諸君的努力對於地質探礦的貢獻是頗有成績的能夠采作資料也是很摩登的地方志又如各縣疆域經年來的整理雖盡善盡美但是已成定案不能不照現時的編入這一類的意思任先生既樂於採納書成之後無論何種職業的人都想手執一篇作為指南如此重新估定一切價值這一部續修通志便不是擺樣子的古董了有若干人注意此事隨時都來問及借此

也就當作公開的答覆了

獨山縣志

文徵志卷二

三

致各縣商修都勻府志函

王克仁

克仁此次奉

命督政此邦深有鑒於保安建治經

緯萬端倘不能因地制宜將有事倍功半之失而詳考地利徵詢人事雖不一途地方志乘究為文獻之

總匯首有研究之必要業經分函各縣無論新舊志

書務各檢取一份送本署用備參稽且詢據現任貴

州省文獻委員會委員兼獨山文獻委員會主任委

員萬君仿韓陳述二區所轄各縣舊時分隸於黎平

都勻二府黎平舊有府志不難總覽都勻在全黔十

三郡中獨無郡志原有勻屬十縣因近歲剗撥插花

合為九縣平塘縣及雷山設治局向無志書可考自深遺憾他縣雖有志書而或遠修於清季其近修者亦多截止宣統三年於革新以來地方掌故尚多無考且舊有志書體例不純又多偏重浮辭文質雜進冊籍浩繁檢閱多艱嘗欲聯合各縣彙修縣志以補勻郡之缺並參章實齋志例於志文力求簡明而別輯文徵以備學者之參詳別輯年紀以見大事之總匯各縣志亦不相彙雜期於全郡文獻仍以縣為單位可分可合俾讀者不致有府志各類雜見之難檢亦不致有時制文質互舉之繁重惜區轄劃分尚有

獨山縣志

文徵志卷二

十一

麻江鑪山兩縣及雷山設治局不隸本區恐提挈較難耳克仁鑒於萬君舊嘗與修省志茲事頗熟值其告養回籍不宜失此機會經已擬定聯合纂修辦法通函本區各縣並函徵外轄三縣如得同意不難圓滿完成否則或聯修六縣或達七八縣亦足使勻郡閱文漸臻完密 貴縣如無異議希即 查照於六月十六日到都勻縣城集會商討實施程序共策進行至所深盼並希先期見覆尚頌 勳祺不備

計附辦法一件

王克仁

啟三十七年五月廿九日

貴州省都獨九縣局聯合纂修縣志委員會辦  
法草案

1. 定名貴州省都獨九縣局聯合纂修縣志委員會

2. 本會隸於第二區專署

3. 本會以專員及聯合各縣縣長和文獻委員會主任委員為委員並公推一人為主任委員

4. 本會所需經費由聯合各縣共同量力担負擬先籌集稻谷叁百石法幣叁億元作為基金以法幣交商生息及食物分配作委員會經常開支俟編纂告成即以此項基金作為印刷經費如不足再

獨山縣志

文徵志卷二

七

募集之

5. 委員會設秘書一人事務員各一人書記員若干人工役一二人悉由主任委員任用之總編纂一人副總編纂二人分纂六人至八人悉由主任委員提經委員會聘任之

6. 一切人員待遇如係兼任之人員酌給津貼如係專任人員則按照職責分別支給薪津及生活補助費至採訪考查所需費用由主任委員按實開支

進行程序

一限一週內函各縣徵取同意請其同意後確定所  
任經費

二定於六月十六日在都勻開委員會成立大會  
三自六月下半月聘定總編纂等

四七月一日開始工作以半年為初稿完成期半年  
為初稿審計期明年七月付印

獨山縣志

文徵志卷二

二

獨山縣志始末緣由考

獨山自明宏治七年改土歸流後文化漸興崇禎間  
州牧王希曾倡修州志旋因鼎革僅遺抄本尚未成  
書入清康熙州牧莫舜翼始為蒐訪略加修輯刊刻  
成書延至乾隆三十四年州牧劉岱續修一次較莫  
志尚屬完備兵燹後板已無存書皆散佚同光時邑  
人屢議倡修又復中止民國二年<sup>省</sup>政府因修通志通  
飭各縣修理志乘凡已修者當應續修未修者當應  
新修截至民國三年止縣志自乾隆距今百有餘年  
理應修理三年春縣長王華裔乃由膏捐籌款聘邑



人前孝廉艾君應芳任總纂貢生李世鈞王汝賢余兆春任分編各區人士分任採訪四年冬書始成王公在省來函催促繕寫全部寄省請陳智蘇先生校正彼時倉卒僅繕一部餘皆零稿嗣因王公由黔至湘此書竟擱置十有餘年地方人士始託駐省萬君仿韓踵門詢問索取原稿陳始將原本陸續交出又由地方稍籌費用請萬君僱人繕寫去歲壬申始為鈔畢十月縣長王守康成立志書事務所詢訪原修四人物故者三僅存邑紳余兆春乃由政府聘請主任將前志稿辨理整齊原擬付印殊地方又有謂民

獨山縣志

文徵志卷二

五

國三年至二十一年亦應續修王縣長又委邑人劉嶽英為續修員現在辦理已畢由縣政府主席何聘請在省萬君仿韓為鉛印主任擔任校印一俟有款即可出版用特備錄原委以便查考